

■袁文傑與女
友張潔蓮本月
拉埋天窗。

袁文傑迎娶張潔蓮

劉丹獲女兒 撐做視帝



呂慧儀和滕麗名昨晚都可以提早收工回家食冬至飯，呂慧儀笑指兒子鍾意聖誕多過冬至：「佢成日都話要買禮物畀屋企人，但係就有我份，我問佢邊度攞錢買，其實都係用我啲錢。」滕麗名

就指已有7、8年沒有留港做節，但今年趁疫情關係留港跟家人食飯慶祝。

談到兩人同樣有份角逐視后，問到兩人可有信心？滕麗名笑言瞄準「最受歡迎電視女角色」，視后就留給呂慧儀，最佳劇集支持《愛·回家之開心速遞》，視帝和女配角獎都給自己人丹爺和蘇韻姿；呂慧儀笑言會抱平常心：「丹爺話會投票畀我哋，男主角一定投畀丹爺，今年唔得就下年，唔得就再下一年，最緊要大家開開心心，慶幸每日工開。」

袁文傑慎重考慮生小孩

袁文傑與女友張潔蓮拍拖9年，將於今個月拉埋天窗，問到大喜日子日期，袁文傑卻賣關子：「差唔多都係呢幾日啦，（聖誕節？）都係近啲大日子，其實仲未落實個地方，我個人好隨意，都係好簡單兩家人食飯，可能明年至搞個派對邀請同事朋友慶祝。」

問到袁文傑心情可緊張？他笑說：「冇特別緊張，可能都已經等待咗兩年，我都有啲媽咪靈

■《愛·回家》一班演員出席活動趁機拉票。



無綫處境劇《愛·回家之開心速遞》一班演員昨出席活動，有份獲提名角逐台慶頒獎禮視帝的劉丹（丹爺）、視后的林淑敏、呂慧儀、滕麗名亦趁機拉票。她們均表示會投丹爺一票。而袁文傑即將迎娶張潔蓮，兌現結婚承諾。



林德信趁聖誕「散貨」

林德信（Alex）早前到網台宣傳，更分享聖誕願望。聖誕將至，他開心說：「4歲時在美國居住，當年早起身跑落樓去聖誕樹底拆禮物，好似電影橋段！返到嚟香港就有啦，因為啲家間屋咁細，聖誕樹都擺唔落啦。」

不過，他仍期待聖誕派對，可趁交換禮物環節「散貨」：「因平時好多贊助禮物，但未必鍾意，咪擺出去同人交換囉，可能其他人好想要呢！」

苑仔成立直播平台

苑瓊丹（苑仔）聯同星級廚藝人「星星哥」為自家熟饅包品牌拍攝廣告，苑仔更化身成聖誕老人和「師奶Look」造型上陣。向來有生意頭腦的苑仔，有見疫情影响下，展銷會相繼被取消，故此，她會成立直播平台，招攬各大品牌做網上展覽。她謂：「現時冇得行工展會買平嘢咩？我咪幫你搞個網上展銷，總之平靚正之餘，大家又買得過癮！交換禮物又得、辦定年貨又得！」



前講聲，因媽生前一直好擔心，今次終於兌現承諾，可說係實現媽咪個願望。」他大讚未婚妻對他很好，又肯等她，並願意以簡單儀式結婚。不過他直言有少遺憾，因愛貓離世未能一起影結婚相。說到可生個仔一起影？他說：「我年紀都唔細，我有慎重考慮過，如果要（生）就要好快決定，否則過咗就算。」

許家傑連續14日拍通宵

許家傑表示近日正忙於拍新劇《拳王》，之前以為拍完打擂台就唔使再除衫，原來仲有一場要拍，加上近日又吃多了，所以之後還要去跑步操。林淑敏笑說：「知道隔離廠幾個男仔騷肌肉，都有借啲意過去睇，佢哋好努力，操到成身肌肉。許家傑又稱因同時要拍《愛·回家》和《拳王》，試過連續14日拍通宵，雖然辛苦但很開心。

說到她有份角逐「最佳女主角」，林淑敏表示很開心，但比較喜歡龔嘉欣在《殺手》中的演出，會投對方一票，至於最佳男主角，她和許家傑都會投給丹爺，他們都認為丹爺在場的感染力相當強，亦是大家的精神領袖。

李佳芯舊愛一腳踏兩船

何廣沛、陳滢、譚凱琪（Zoe）、楊詩敏（蝦頭）及李佳芯（Ali）一眾《愛美麗狂想曲》演員接受由伍詠薇（伍姑娘）及林盛斌（Bob）主持的《Tiger's Talk》節目訪問，今次以感情的第三者作為話題。

Bob問到在場的唯一男性嘉賓何廣沛，要在4位女演員及伍姑娘之間選女朋友會點揀？何廣沛即時選伍姑娘說：「拍過幾次拖，要揀就揀啲未試過嘅類形，夠大反差！」何廣沛即時借位錫錫伍姑娘的玉手，伍姑娘見狀叫他獻吻，沒想到何廣沛都夠膽把頭靠近，伍姑娘說：「嘩，你真係夠膽呀喎，衰仔呀！」

何廣沛又自爆10幾年前在外國讀書時，當時跟女朋友分手後一直都藕斷絲連，關係如像未一齊之前的曖昧，可是有日他放學回家，發現樓下停車場架車

有兩個人頭都下郁下，見到其中一個是他前女友，另一個是他同房室友，他指：「真係幾難受，但已經分手，我連嘈嘅資格都冇。」

Ali笑言自己入行經常被安排演小三，但私底下就沒有經歷過，反而試過男友一腳踏兩船，當揭破對方謊言即提出分手。Ali指年長後心態不同：「會諗佢係咪真係有咩原因，或者自己係咪冇時間陪佢。」



■何廣沛（左一）大談戀愛經驗。

歐陽震華重提因飲酒險死

歐陽震華（Bobby）與宣萱出席訪談式節目《諸朋好友》嘉賓，宣萱被主持封為最旺夫的女主角，很多跟她合作的男星都攞獎，問到可期待搵個真命天子？她說：「去到呢個年紀真係有所謂，除非想生小朋友，否則都係搵個伴侶。」

節目中Bobby重提2013年在朋友家中昏迷送院一事，並大方回應：「外界好多人以為我係飲過量酒，我承認啲晚係飲咗少少，可能下意識吞咗一啖落個肺，造成肺炎，屋企人見我塊臉變紫，於是送去醫院。」

Bobby指，一度出現靈魂離開身體見到自己的感覺：「後來醫生有和我講，天濛光時我已經走咗，但8、9點時又返來……佢哋睇數據跌落去，若再跌就可能（死），我血壓又突然回升，即係我『返番嚟』。醫生話我可能係做戲捱得眼瞓，強過普通人。」自此之後，他待人又好一點及學會珍惜當下。



■Bobby學會珍惜當下。